



Broj: 01-02-41862/22
Sarajevo, 7.10. 2022.g.

Na osnovu člana 35.Zakona o prevenciji i suzbijanju korupcije u Kantonu Sarajevo ("Sl.novine Kantona Sarajevo", broj:35/22), šefica Kabineta predsjedavajućeg i zamjenika predsjedavajućeg Skupštine Kantona Sarajevo, d o n o s i

PRAVILNIK
o internom prijavljivanju korupcije i zaštiti lica koje prijavi korupciju u
Kabinetu predsjedavajućeg i zamjenika predsjedavajućeg
Skupštine Kantona Sarajevo

I Opće odredbe

Član 1.
(Predmet Pravilnika)

Pravilnikom o internom prijavljivanju korupcije i zaštiti lica koje prijavi korupciju u Kabinetu predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Pravilnik) se uređuje način internog prijavljivanja korupcije u Kabinetu predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Kabinet), postupanje po zaprimljenim prijavama korupcije, razmatranje zaprimljenih prijava korupcije, obaveza obavještavanja lica koje je prijavilo korupciju i druga pitanja koja su vezana za interno prijavljivanje korupcije u Kabinetu.

II – Interno prijavljivanje korupcije

Član 2.
(Pojam, sadržaj i vrste prijave)

- (1)Prijava korupcije je svako pismeno i usmeno obavještenje koje sadrži informacije iz kojih proizilazi sumnja da je izvršena korupcija.
- (2) Prijava treba da sadrži: podatke o prijavitelju korupcije, podatke o instituciji za koju prijavitelj sumnja da je u istoj izvršena korupcija, opis radnje ili ponašanja uz navođenje konkretnih činjenica i okolnosti iz kojih proizilazi sumnja prijavitelja da je izvršena korupcija, podatke o licu za koje prijavitelj sumnja da je izvršilo korupciju ukoliko ima iste u trenutku podnošenja prijave, te podatke i dokumentaciju iz koje proizilazi sumnja da je izvršena korupcija, ukoliko istim raspolaže.
- (3)Vrste zaštićenog prijavljivanja su:
- interno prijavljivanje- kada prijavitelj podnosi prijavu odgovornom licu u Kabinetu ili ovlaštenom licu da je u Kabinetu izvršena korupcija.
 - eksterno prijavljivanje- kada prijavitelj podnosi prijavu Uredu za kvalitet i borbu protiv korupcije Kantona Sarajevo.
 - javno objavljivanje informacija iz kojih proizilazi sumnja da je izvršena korupcija



Član 3.
(Pravo na interno prijavljivanje korupcije)

(1) Svaki državni službenik, namještenik, odnosno, uposlenik u Kabinetu, koji ima saznanja ili materijalne dokaze o postojanju bilo kojeg oblika korupcije u Kabinetu, za koji sazna na bilo koji način, može podnijeti internu prijavu zbog postojanja korupcije ili okolnosti koje ukazuju na postojanje korupcije.

(2) U skladu sa Zakonom o prevenciji i suzbijanju korupcije Kantona Sarajevo, pod korupcijom se podrazumijeva zloupotreba povjerene funkcije, radne obaveze ili posla od strane nosioca javne funkcije ili javnog službenika u institucijama Kantona Sarajevo, Grada Sarajevo, ili općina na teritoriji Kantona Sarajevo, koja može dovesti do sticanja privatne koristi.

(3) Prijava iz stava (1) ovog člana podnosi se:

a) putem protokola

b) putem pošte

c) putem elektronske pošte (e-mail),

d) putem online sistema za prijavu korupcije na službenoj stranici Kabineta, i dr. komunikacijskih kanala (sandučće/kutija za podnošenje prijava sa jasnom naznakom: ZA PRIJAVU KORUPCIJE) koja se nalazi na vidnom mjestu, dostupnom prijavitelju .

(4) Zloupotreba prava prijavljivanja iz stava (1) ovog člana predstavlja težu povredu radne dužnosti.

Član 4.
(Lica nadležna za prijem i postupanje po prijavama)

(1) Odgovorno lice Kabineta imenuje ovlašteno lice ili više njih za prijem prijava korupcije i za postupanje po prijavama korupcije.

(2) Odgovorno lice Kabineta dužno je omogućiti podnošenje prijava korupcije obezbjeđenjem sandučćeta/kutije za podnošenje prijava sa jasnom naznakom: ZA PRIJAVU KORUPCIJE) koja se nalazi na vidnom mjestu, dostupnom prijavitelju.

(3) Ovlašteno lice dužno je provjeravati sadržinu sandučića jednom sedmično, te ukoliko prilikom otvaranja utvrdi da postoji prijava istu kovertira zajedno sa eventualnim prilogima i u što kraćem roku dostavlja odgovornom licu. Na koverti upisuje datum zaprimanja prijave i svoj potpis.

Član 5.
(Načini internog prijavljivanja)

(1) Interno prijavljivanje može biti usmeno i pismeno.

(2) Kada se prijavljivanje vrši u pismenoj formi prijava mora sadržavati elemente iz člana 2. stav(2)ovog Pravilnika.

(3) Kabinet će obezbjediti i Obrazac za prijavu korupcije i učiniti ga dostupnim na službenim stranicama Kabineta, te dostupnim u šalter sali zgrade Kantona Sarajevo.

(4) U slučaju usmenog prijavljivanja lice koje zaprima prijavu dužno je o istoj sačiniti službenu zabilješku. Službena zabilješka obavezno mora sadržavati informaciju o kojem djelu korupcije se radi, sve okolnosti koje ukazuju o postojanju korupcije, vrijeme i mjesto zaprimanja prijave, ime i prezime lica koje je podnijelo prijavu, prijedlog o dokazima i materijale koji potvrđuju navode zahtjeva (pismeni dokazi).

Član 7.
(Postupanje po internoj prijavi)

(1) Sve prijave zaprimljene putem pošte, elektronskim putem, online sistemom ili dostavljene u vidno označenom mjestu za prijavu korupcije unutar institucije, moraju biti protokolisane.

(2) Nakon prijema ovlašteno lice dužno je utvrditi da li prijava ispunjava uslove propisane Zakonom o prevenciji i suzbijanju korupcije Kantona Sarajevo, te postupiti u skladu sa propisanom procedurom, tj. članovima 33. i 34. Zakona o prevenciji i suzbijanju korupcije Kantona Sarajevo.

(3) Ukoliko Kabinet nije nadležan za postupanje po dostavljenoj prijavi, dužan je u roku od osam dana od dana prijema prijavu dostaviti nadležnom organu i o istom obavijestiti prijavitelja.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-044, Fax: + 387 (0) 33 562-210

Web: <http://skupstina.ks.gov.ba>

E-mail: aida.arap@skupstina.ks.gov.ba

III – Zaštita prijavitelja korupcije

Član.8 (Zaštita prava podnosioca prijave)

(1) Prema uposlenom koji ima saznanja o postojanju korupcije ili koji prijavi korupciju u Kabinetu ne smiju se poduzimati bilo kakve štetne radnje koje imaju za cilj odvracanje od prijavljivanja korupcije, odnosno, kažnjavanje zbog izvršenog prijavljivanja korupcije.

(2) Rukovodilac Kabineta, odnosno, neposredno nadređeni, licu koje je prijavilo korupciju dužan je da osigura zaštitu osobnog i profesionalnog integriteta lica koje je prijavilo korupciju u Kabinetu, te osigurati da isti ne smije trpjeti posljedice zbog prijave, niti ga stavljati u nepovoljan položaj u odnosu na druge uposlene u Kabinetu.

IV – Prelazne i završne odredbe

Član 9. (Saradnja sa Uredom za borbu protiv korupcije i upravljanjem kvalitetom)

Kabinet će pri sprovođenju aktivnosti sarađivati sa Uredom za borbu protiv korupcije i upravljanje kvalitetom Kantona Sarajevo u svim segmentima neophodnim za dosljednu primjenu i implementaciju Zakona o prevenciji i suzbijanju korupcije Kantona Sarajevo.

Član 10. (Transparentnost)

Kabinet će osigurati transparentnost rada vodeći računa i o primjeni odredbi Zakona o zaštiti ličnih podataka svih sudionika u implementaciji Zakona o prevenciji i suzbijanju korupcije Kantona Sarajevo.


Član 11 . (Obaveza upoznavanja sa odredbama Pravilnika)

(1) Zadužuje se ovlašteno lice iz ovog Pravilnika da isti učini dostupnim svim uposlenicima u Kabinetu, objavom na oglasnoj tabli Kantona Sarajevo i službenoj stranici Kabineta.

(2) Svi uposleni u Kabinetu dužni su da potpišu izjavu o tome da su upoznati sa pravima i obavezama iz ovog Pravilnika, a ista će se priložiti i čuvati u njihovom osobnom dosijeu.

Član 12. (Stupanje na snagu)

Ovaj Pravilnik stupa na snagu danom donošenja i isti će biti objavljen na oglasnoj tabli Kantona Sarajevo i službenoj stranici Kabineta.



Prilozi:

-Obrazac za prijavu korupcije KK-1

-Izjava za uposlenike Kabineta



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-044, Fax: + 387 (0) 33 562-210

Web: <http://skupstina.ks.gov.ba>

E-mail: aida.arap@skupstina.ks.gov.ba

3/3

**KABINET PREDSEDavajućEG I
ZAMJENIKA PREDSEDavajućEG
SKUPŠTINE KANTONA SARAJEVO**

OBRAZAC ZA PRIJAVU KORUPCIJE

1. Ime i prezime prijavitelja: _____

2. Kontakt telefon/adresa/e-mail: _____

3. Prijava se odnosi na (osoba, organ, institucija) ime, naziv, adresa, kontakt:

4. Opis radnje ili ponašanja koje se prijavljuje kao korupcija :

5. Mjesto i vrijeme gdje je izvršena radnja:

6. Ukoliko posjedujete pisane i/ili materijalne dokaze, molimo da ih dostavite uz ovaj obrazac.

7. Popunjeni obrazac sa priložima možete ostaviti u sanduče/kutiju, šalter sala Kantona Sarajevo, Reisa Dž.Čauševića br.1

NAPOMENA: Podsjećamo Vas da lažno prijavljivanje podliježe sankcijama u skladu sa zakonskim i drugim propisima u BiH

Bosna i Hercegovina
Federacija Bosne i Hercegovine
KANTON SARAJEVO
Kabinet predsjedavajućeg i
zamjenika predsjedavajućeg



Босна и Херцеговина
Федерација Босне и Херцеговине
КАНТОН САРАЈЕВО
Кабинет предсједавајућег и
замјеника предсједавајућег

Bosnia and Herzegovina
Federation of Bosnia and Herzegovina

ASSEMBLY
Chairman's Office and Deputy Chairman Office

Sarajevo, .2022

I Z J A V A

Ovim putem JA dole potpisani, izjavljujem da sam upoznat/a sa sadržajem Pravilnika o internom prijavljivanju korupcije i zaštiti lica koje prijavi korupciju u Kabinetu predsjedavajućeg i zamjenika predsjedavajućeg Skupštine Kantona Sarajevo

IZJAVU DAO/LA

(Ime i prezime državnog službenika(namještenika) i naziv radnog mjesta)



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-044, Fax: + 387 (0) 33 562-210
Web: <http://skupstina.ks.gov.ba>
E-mail: aida.arap@skupstina.ks.gov.ba

1/1